

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Vedasto episcopo Atrebatensi.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

Laceratur temporaliter non parco; vt anima xternum parcatur. Tunc furore percitus præses, vngulis, & vngulis latera eius attrectari præcepit; & lampadibus ardentibus exuri. At verò Theophilus nihil aliud inter tormenta clamabat, nisi hoc tantum+ Christe fili Dei, teconfiteor? adiunge me numero seruorum tuorum. Erat interim intrepidus in vultu & constans in verbis, ita ut minimè torqueri videretur. Cumque tortores inferendis tormentis deficerent, hanc præses impius dictauit sententiam; Theophilum, qui nunc usq; dijus immortalibus sacrificauit, & cultor illorum fuit? nunc verò præuaricator inuenitus est, ita ut ijs posthabit sœcta se tradiderit Christianorum, iussimus capite plecti. Theophilus dixit; Gratias tibi ago Christe. Et gaudens, ibat ad coronam supernæ vocationis, qui ad vndecimam horam cōdūctus, æquam cum illis portionem accepit, qui à prima hora usq; ad vndecimam operati sunt, per gratiam eius, qui glorificat sanctos suos. Cui est honor, &c.

Capite plecti
datur.
Matth. 20.

VITA S. VEDASTI EPISCOPI ATREBATAE
AVTHORE ALBINO FLACCO ALCVI.
no, vt habent vetusti MS. codices.

P R A E F A T I O.



Ioan. 15.

V L C I S S I M O dilectionis filio Radoni Abbatii, humiliis leuita Albinus salutem. Dilectionis vestrae venerabile preceptum secutus, vitam sancti Vedasti patris vestri & intercessoris nostri emendare studi: non quod aliquid illius excellentissimi meritis dignum valuerit, sed quod nihil tuae reverentiae iussis denegare ratum putavi. Idecō ad te maximē pertinet harum laus vel vituperatio literarū. Vtinā tibi & fratribus, qualescumque sint, placeant: deprecor autem, vt meū laborem orationum vestrarū solatio remunerare dignemini, & vnuſ merear esse vestrum in charitatis cōmunione: illius semper memores mādati, qui dixit: Hoc est preceptum meum, vt diligatis inuicem. In hoc enim mandato omnium salus consistit. Hoc cunctis pernecessariis esse constat, & maximē ijs, qui gregem Christi regendum accipiunt. Quapropter tu charissime gregem, quem acceperisti regendum, fraterno amore diligenter erudire studero, & sanctis admonitionibus eū per pascua vīta deducere satage. Habes in omni opere bono Christum adiutorem, sanctum quoquā Vedastum intercessorem. Sicut magno labore domum Dei optimē habes ornatam, &

Sancti, sunt largissimi donis decorata: ita tibi subiectos bonis moribus ornari contende, & eos in diuina laude fac consistere, & quod angelii semper agunt in celis, hoc fratres iugiter res noslri.

intercessori

res noslri.

factant in ecclesijs.

Tuum est principere, illorum obediere.

Tuum est præire, illorum

subsequi.

Omnium itaque in seruitio Dei una debet esse voluntas, vt vna fiat in regno

Dei remuneratio.

Nullus horis canonici se diuinis subtrahat laudibus, nè propter ali-

quam negligentiam, cuiuslibet locus in conspectu Dei vacuus inueniatur:

& verba

Dei in ecclesijs intimo cordis affectu proferantur,

& cum magna reverentia Dei omni-

potentis officia celebrentur.

Omnis vtique obedientiam in seculi necessitatibus fide-

liter & strenue peragunt.

Fiat equidē inter omnes concordissima pax & sanctissima charitas.

Seniores bonis

exemplis & sedula admonitione erudiant iuniores, illosque diligent vt filios: & illi,

quasi patres, eos honorificent, illorum cum omni alacritate obedient præceptis.

Tua

verò, venerande fili, conuersatio omnibus sit exemplum salutis.

Cave, vt nec minimus

quis in tua scandalizetur vita, sed adficietur & roboretur in via veritatis:

quia tibi exiliorum salute merces iudicabitur æterna.

Cani capilli, extremū denunciant properare

diem.

Quapropter paratus esto omni hora in occursum Domini Dei tui.

Dilectio fra-

terna, & elemosynæ miserorum, & vita castitas præparent tibi gradus in celum.

Diligenter elabora tibi æternos dies felices.

Honor secularis, quem habes, spiritualem tibi

abundet in gloriam.

Festiuis diebus veniente ad ecclesiam populo, fac eis prædicari

verbum Dei, & quocunque vadis,

clericis seruitio Dei pleniter peragant: tecum eant

sobrietate ornati, non ebrietati assueti, quorum honestas vita, alijs sit doctrina salutis.

Curamque vbiq; habcas maximē pauperum, viduarum, orphanorum, vt audias in die

tremen-

Matth. 25.

tremendo à Domino Christo cum alijs eleemosynam facientibus: Quandiū vni ex his minimis fecistis, mihi fecistis. Esto miseris vt pater, & causam ad te clamantium diligenter discute, & parce in te peccantibus, vt Deus tuus parcat peccatis. Esto iustus in iudiciis, & misericors in debitibus: Magister virtutum, moribus honestus, verbis iucundus, vita laudabilis, in omni opere Dei deuotus. Fratres quoquè hortare, vt sanctas diligentissimè legant scripturas. Non confidant in linguae notitia, sed in veritatis intelligentia, vt possint contradicentibus veritati resistere. Sunt tempora periculosa, vt Apostoli prædixerunt, quia multi pseudodoctores resurgent, nouas introducentes sectas, qui catholicae fidei puritatem impijs assertionibus maculare nitentur. Ideò necessè est ecclesiam plurimos habere defensores, qui non solùm vitæ sanctitate, sed etiam doctrina veritatis castra Dei viriliter defendere valeant. Has verò piæ admonitionis literulas non quasi nescienti direxi, sed vt verae charitatis in meo pectori fidem ostenderem. Quid facit amicus, si seipsum verbis non ostendit? Si diuites paupertum munuscula non spernunt, cur & vestra sapientiae flumina, nostra riuiulos intelligentiae respuerere debent? Nam & maiores amnes riuiulis augmentur influentibus, & ipse Dominus viduæ laudauit duo minuta, quæ ex inopia suæ paupertatis larga manu Deo, quod habuit, obtulit. Et ego quanuis scientia inops, tamen fidelis amore vestra hæc munuscula direxi pietati, obsecrans vt tam humili fraternitatis ea intuitu respicere digneris, quām nos pia devotionis charitate illa vobis dirigere studuimus. Omnipotens Deus te tuosq; fratres in omni bono proficere faciat, & ad beatitudinem æternæ gloriae peruenire concedat.

HISTORIA.

OSTQV A M Deus & Dominus noster Iesus Christus 6. FEBRVAR.

Luc. 15.

ouem quærere perditam de calis in hunc mundum per virginalem venerat vterum, & tota sua dispensationis & nostræ salutis peracta plenitudine, cum triumpho gloriae ad sedem paterna maiestatis reuersus, vt tetricas ignorantiae tenebras toto depelleret orbe, multa sanctorum lumina doctorum, euangelicæ prædicationis luce fulgentia, toto diuiserat mundo: vt sicut cælum fulgentibus ornatur stellis, qua tamen omnes ab uno illustrantur sole: sic & lata terrarum spatia sanctis splendescerent doctoribus, qui tandem ab æterno sole illuminati, divina præeunte gratia, cas ignorantiae tenebras verae fidei fulgore & glorioso Christi nomine illustrarent, & eis ministrantibus, longa ab initio seculi esuries, æternæ vita epulis satiaretur. De quorum numero sanctus Dei sacerdos Vedastus & prædictor egregius, temporibus fortissimi regis tunc temporis Francorū Clodouei, in has diuina dirigente gratia ob multorum salutem peruenit regiones, quatenus supernæ pietatis suffultus auxilio, populum diabolica fraude deceptum, & errorum laqueis captiuum, in viam dirigeret salutis æternæ, & veræ, quæ in Christo est, libertati restitueret.

Sed vt hoc acceptabili, secundum Apostolum, fieret tempore, qui ait: Eccè nunc tempus acceptabile, ecce nunc dies salutis: Dominus Iesus, qui vult omnes homines salvos fieri, competentem suo famulo præuidebat causam, quomodo opportunè ad ministerium verbi Dei peruenire valuisset. Contigit verò præfatum Francorum regem Clodoueum Alemannis bella inferre, qui tunc temporis regno suo per se potiti sunt: sed non eos ita offendit impatoris, vt voluit. Nam fortissima collecta manu, regi circa ripas Rheni fluminis obuiauerunt, vnamimes, bellica virtute patriam defendere, vel libera manu pro patria mori. & fortissimè vtrinque decertatum est: Hi, nè triumphi gloriam: illi, nè patriæ * proderent libertatem, in mutuam corruentes cadem. Igitur * perderent rex nimio turbatus terrore, dum inimicos vident fortiter pugnare, & suos penè ad intermissionem vinci, magis coepit de salute desperare, quām de victoria sperare. Etsi autem neclūm voluntate renatus esset in Christo, tamen necessitate cogente, ad Christi confudit auxilium. Et quia regiam habuit religiosam, baptismique sacramentis initiam, nomine Clotilden, oculos eum hac voce ad cælum leuauit: O Deus unicus potestatis

Ggg

statis

F E B R V A R I V S.

902

Clodoueus statis & summæ maiestatis, quem regina Clotildis colit, confitetur & adorat: concedet
licet genti milii hodiè de inimicis meis victoriam. Nam ex hac die tu solus mihi eris Deus & vene-
lis, preces offert Christus randa potestas. Tu mihi triumphum praesta, & ego tibi seruitum promitto sempiter-
sto & votum. Mox diuina operante pietate, terga verterunt Alemanni, victoria cessit regi &

Francis. O mira omnipotentis Dei clementia, o ineffabilis bonitas; qui sic exaudit, &
nunquam derelinquit sperantes in se. Quanta fide Christiani illius misericordiam in-
uocare debent, dum paganus rex ad vnius precis effectum tantam promeruit victoriam?
Cui ex antiquis huius diuinæ pietatis adæquare auxilium debemus, qui ob vniuerso-
menti lachrymas tam celebrem venturo suo seruo contulit triumphum, nisi Fzechia
regi, qui in angustia tribulationis vna tantummodo petitione promeruit, non solum à
præsentivastatione ciuitatem superna protectione defendi, sed etiam in eadem nocte,
qua preces in diuinæ effuderat aures, centum octoginta quinque millia hostium latu-
& liberatus occidi viderat?

4. Reg. 19. Hæc vero victoria, de qua antè diximus, regi populoque suo causa fuit salutis æter-
Matth. 5. na: & nè lucerna, sanctus videlicet Vedastus, sub modo lateret absconditus, sed supra
candelabrum positus, exemplis vel prædicationibus in domo Dei lucens, ab errore idolo-
latriæ & caligine ignorantiae in viam plurimos educeret veritatis. Igitur superatis ho-
stibus, & rebus in pace compositis, & Alemannis suæ subiectis ditioni, rex ouans cum
laude triumphi ad patriam rediit. Et vt fidelis tantæ sibi gloriae largitor sponsor appa-
raret, festinavit seruorum Christi sacra imbuiri prædicatione, & sancti baptismatis ablui
sacramentis. Venit autem ad Tullum oppidum, ubi sanctum agnouit Vedastum lau-
Clodoueus dabile religione soli seruire Deo, & dulcissimos contemplatiæ vita carpere fructus.
venit ad Ve dattum. Hunc vero, ad sanctum Remigium, Christi clarissimum sacerdotem, ad Rhemorum
properans ciuitatem, sibi socium assumpsit: quatenus per singulos itineris sui gressus
saluberrimis ab eo imbuueretur doctrinis, & catholicae fidei firmis initiaretur funda-
mentis: vt paratus fide & virtutu scientia, à tanto pontifice spirituali ablueretur lauacro,
& ab illo donis cælestibus confirmaretur, quod ab isto diuina prius præueniente gratia,
euangelicis ceptum fuerat prædicationibus. Hic ad fontem vita festinantem deduce-
bat regem: ille in fonte salutis æternæ venientem abluebat. Ambo propemodum pari
pietate patres: hic doctrina fidei, ille baptismatis vnda. Vtrique æterno regi regem
temporalem munus obtulerunt acceptabile. His sunt duæ oliuæ & duo candelabra lu-
centia, à quibus rex præfatus in via Dei eruditus, miserante Deo portam perpetuae lu-
cisingressus, cum fortissima gente Francorum credidit Christo, & facta est gens sancta,
populus acquisitiōnis, vt annuncientur in eo virtutes illius, qui eos de tenebris vocauit
in admirabile lumen suum.

Zach. 4.**z. Pet. 2.****Luc. 12.**

Sacra igitur euangelicæ autoritatis narrat historia, Dominum Iesum Hiericho
pergentem ad confirmanda fide suę maiestatis corda populi præsentis, cuidam cæco ad
se clamanti lumen reddidisse oculorum, vt per corporale vnius illius cæci lumen, spi-
ritualiter multorum illuminarentur pectora. Ita & sanctus Vedastus, Deo Christo do-
nante, per cuiusdam illuminationem cæci, fidem, quam verbo prædicauit, in corde re-
gis miraculo confirmavit: vt rex ipse integeret, tam sibi esse necessarium cordis hu-
men, quæm cæco oculoru illustrationem: & quod diuina operata est gratia, per preces
famuli sui, in oculis cæca nocte castigatis: hoc per sermones eiusdem famuli, eadem
operante potentia, per spiritualis intelligentiam lucis in suo pectorore perficeretur.
Nam regia excellētia condigno comitatu cum multitudine maxima populi iter agen-
tibus illis, venerunt in quandam pagum, qui incolarum terræ illius consuetudine Vun-
gise pagus dicitur prope Reguliacam villam, quæ sita est super floreras Axona flu-
minis ripas: & eccè eiusdem fluminis pontem regi transente cum multitudine populi,
obuiavit illi cæcus quidam, huius diutissimè solaris expers luminis: forte nec sua ce-
catus culpa, sed vt manifestarentur opera Dei in illo, & per illius illuminationem præ-
sentem, plurimorum illuminarentur corda spiritualiter. Qui cùm intellexisset à præ-
tereuntibus, sanctum Vedastum Christi seruum in codem iter agere comitatu, clamauit:
Sancte & ele&te Deo Vedaste, miserere mei, & supernam pio pectoro diligenter de-
posce potentiam, vt mea subueniat miseria. Non aurum posco, nec argentum, sed vt
mihi lumen per sanctitatis tuæ preces restituat oculorum. Sensit itaque vir Dei virtu-
tem sibi adesse supernam. Non ob illius cæci tantummodo, sed plūs propter præsentis
populi

populi salutem, totum se in sacras effudit preces, in diuina fidens pietate, & dexteram, cum signo crucis posuit super oculos cæci, dicens: Domine Iesu, qui es lumen verum, qui aperuisti oculos cæci ad te clamantis: aperi oculos & iſtius, vt intelligat populus iste præsens, quia tu es Deus solus, faciens mirabilia in cælo & in terra. Mox ille cæcus ^{Signo cruceis & prece} S. Vedastus lumine recepto, gaudens perrexit viam suam. In quo loco tempore sequenti à religiosis viris ædificata est ecclesia, in testimonium miraculi istius, in qua orantibus & credentibus usque hodiè beneficia præstantur diuina.

Igitur rex à viro Dei euangelicis apprimè imbutus doctrinis, & hoc præsenti miraculo in fide firmiter confortatus, nil moratus in via, nil dubitans in fide, sed magna alacritate animi, magna festinatione itineris, sanctissimum pontificem Remigium videre properauit, ut illius sacratissimo ministerio, spiritu sancto operante, in remissionem peccatorum & spem vitæ æternæ, catholici baptismatis viuo ablueretur fonte. Cum quo aliquantis moratus est diebus, vt ecclesiasticis satisfaceret sanctionibus, & poenitentia secundum apostolicum præceptum prius ablueretur lachrymis, dicente beato Petro principe apostolorum: Poenitentiam agite, & baptizetur unusquisque vestrum ^{Aetor. 2.} in nomine Iesu Christi: & in nomine sanctæ Trinitatis, cælestis mysterij baptisma suscipiat. Sciens vero beatus Pontifex apostolum dicere Paulum, Omnia vestra honesta, Cor. 14. cum ordine fiant: statuit diem, quo rex ecclesiam intraret ad suscipienda diuina pietatis sacramenta. Quale fuit tunc sanctis Dei gaudium, qualis in Ecclesia Christi latitia, cum viderent regem Ninive ad prædicationem Ionæ de folio maiestatis sua descendens, Ion. 3. se, & in cinere sedisse poenitentia, & sub pia Dei sacerdotis dextera, suę excellentia caput humiliare: Baptizatus itaque rex cum optimatibus suis & populo, qui diuina præ Clodoueus ueniente gratia, salutaris lauaci gaudebant suscipere sacramentum, utriusque & vi- rex baptiza toria ex hostibus, & sua salutis voti compos, ad sceptra regni gubernanda reuersus tur, est, sanctumque Vedastum beato pontifici commendauit Remigio.

Qui ibi moratus, vita meritis & virtutum claruit exemplis. Omnibus amabilis & venerabilis factus est. Fuit enim morum dignitate religiosus, charitate præcipuus, fraterna dilectione iucundus, humili pietate eximius, orationum vigilancia assiduus, sermone modestus, corpore castus, ieiunio sobrius, miserorum consolator. Non de crastino cogitans, sed semper de Dei confidens clementia. Omnes ad se venientes, eterna vita pascebant alimento. Nullum in sua despiciebat angustia, sed pia consolationis verbo reficiebat moestos. Nemini vel verbo nocuit, sed fraterno amore cunctis prodeesse satagebat. Unde & à quamplurimis illustribus frequentabatur viris, ut illius sacratissimo allocuio vel in tristitia cuiuslibet solitudinis susciperent consolationem, vel in religione ecclesiastice exercitationis puram ab eo audirent veritatem. Unde & illius pia deuotione multi à diaboli laqueis liberati sunt, & vias vitae perpetuae, superna adiuuante pietate, ingressi sunt. Scilicet multi, ut supradiximus, ob celeberrimam sanctitatis famam, nobilium vel plebeiorum virum Dei visitare solebant, ut consolarentur per gratiam, quæ abundabat in labiis illius, & quia ex abundantia cordis os loquitur, & quia Matt. 12. fraterno amore omnes diligebat, omnibus se affabilem præstabat. Aliorum salutem sum reputans lucrum, nec Dominica talentum pecunię pigritia obruit humo, sed quotidiano charitatis sudore multiplicare studebat, nè vacuus, reueniente Domino suo, in conspectu illius appareret.

Igitur quidam vir nobilis & religiosus inter alios famulum venit visitare Christi, ut per eum cælestis doctrinæ reficeretur melle. Et dum sermo dulcissime allocutionis in longum traheretur, & sol medium cæli transiens centrum, crescentes duplicaret umbras, nolebat vir Dei hospitem suum absque charitatis dimittere viatico, mandauit autem puer, ut si quid illi remansisset vini, charo pocula portaret amico, quatenus in utroque & anima refectus, & corpore confortatus, domum rediret. Sed propter hospitum frequentiam & viri Dei largam erga omnes munificentiam, non arida patris charitate, aridum inuenit vasculum, in quo vinum seruari solet. Mox tristis, tacito murmure, hoc ipsum puer paternis intimauit auribus. Qui verecundiae rubore perfusus, charitatis tamen dulcedine abundans corde, in diuina confusis suffragia, tacitus pauplisper Deo preces effudit: nil de diuino dubitans auxilio, nil de suę petitionis hesitans Exod. 17. effetu, totus in eius credens clementia, qui de arida petra sicuti populo fontem aquæ Num. 20. Iohann. 2. viue produxit, vel in Cana Galileæ aquam in mirabilis vini conuertit saporem: dixit puer:

ero: Vade in Dei confidens bonitate, & quodcunq; inuenis in vasculo, non cunctis nobis adferre. Qui celer paterno obediens præcepto cucurrit, & vas vino optimo superfluens inuenit, gratias Deo agens, alaci animo venienti & eius socijs propinavit. Precibus vi-
num obti-
net à Deo. vanis iactantiae verbis vel rumigero populi celebraretur fauore, sub magna attestatione præcepit puero, omnibus vita sua diebus hoc tacere miraculum, plus Deo soli cognitus esse cupiens, quam hominibus, certò sciens, omnium esse virtutum veram in humilitate custodiam, & hanc esse, quæ charitatis gradibus altissima cali regna concendet, ipfa dicente veritate: Omnis qui se humiliat, exaltabitur.

Matth. 23. Cumque viri Dei celeberrima vulgaretur fama, & charitatis in eo munificentia, & religio vita, & verbi Dei instantia longè lateque ab omnibus celebraretur, visum est beatissimo pontifici Remigio, tam præclararam Christi lucernam melius esse supra candelabrum ponere, ut splendidissimo sua sanctitatis fulgore latius ad salutem luceret multorum, quam sub vnius loci latebris propemodum abscondita lateret. Diuina igi-

S. Vedastus tur dispensatione & salubri sacerdotum consilio, ordinavit eum episcopum, & ad prædicandum verbum vita Atrebateni eum direxit vrbi, quatenus populus diu in antiquis malæ consuetudinis erroribus iacens, Deo auxiliante, per assiduam sacra prædicatio-

Atrebaten- nis instantiam, per illum in viam veritatis & agnitionem filij Dei deduceretur. Qui pontificatus gradu & prædicationis officio suscepit, concitus ad præfata ire perrexit

Astor. 3. urbem: sed in auspicio futurae prosperitatis & salutis, Deus cuiusdam miraculi testi-

Ezai. 49. ficatione eius patefecit ciuibus introitum. Igitur in ipsa ciuitatis porta duos habuit obuiam sibi egenos & infirmos, eacum scilicet & claudum, miserabili à viro Dei voce stipem postulantes. Mox sacerdos Christi, illorum condolens misericordia, secum tra-

Cæcum & stabant, quid illis solati præstare posset. Et cum apostolicus præparator pecuniam in

claudum- facculis se non habuisse sciret, in diuina confidens clementia, & sanctorum apostolo-

fanat. rum Petri & Iohannis confortatus exemplo, ait: Aurum & argentum non est mecum: quod autem habeo, id est, charitatis officia & pietatem orationis ad Deum, hoc vobis præstare non differo. Et post haec verba vir Dei ex intimo cordis affectu pro illorum

Multi am- miseria fudit lachrymas, & cum fidei puritate opem illis poscebat diuinam, vel pro illo-
rum corporali, vel pro populi præsentis salute spirituali. Nec tam piæ & tam necessariae

plectuntur preces inefficaces esse potuerunt, sed ab illo, qui per Esaiam inquit prophetam: Tem-

Christia- pore opportuno exaudiui te, & in die salutis adiuui te: mox ambo in cōspectu multitu-

nimum. dinis optaram receperunt sanitatem: hic luminis claritate ditatus, ille pedum velocite-

Attilæ regi tate lætatus. Ambo supernæ gratias agentes pietati, maiora quam sperauerant, mune-

immanitas ra reportantes, domum reuersi sunt. Sed & hoc miraculum sanitatis in illis, plurimis

cerdotibus causa fuit salutis æternæ. Videntes enim cælestem virtutem verba consequi sacerdotis

Dei, relictis idolatria sordibus, in Christum credentes, viuo sacri baptismati fonte

Psalms. 105. purgati sunt.

Præfati verò miraculi testificatione vir Dei, fauore populi suffulsi, singula ciuitatis loca peragrans, quæsivit inter ruinas ædificiorum, si quod ecclesiæ signum inueniri valuerit. Nam antiquis fermè temporibus, sacræ in illis locis fidei floruisse religionem

4. Reg. 25. agnouit, sed propter peccata habitatorum terra illius, occulto Dei iudicio, sed iustissimo, tradita est cum ceteris Galliæ vel Germaniæ ciuitatibus pagano & perfido Hunno-

Attilæ regi Atiliæ vrbs quoquæ illa deprædanda. Qui propter animi sui sauitiam, nec sa-

Hie- immanitas cerdotibus Dei honorem, nec ecclesijs Christi reuerentiam impendere sciebat: sed omnia, quasi tempestas immanissima, ferro vastauit & igne. Tunc in similitudine Hie-

rosolymitanæ vastationis, quæ ab impio Babylonia rege facta est, venerunt gentes in

hæreditatem Dei, & pollutis manibus prophanauerunt sacraria Christi, effundentes

seruorum Dei sanguinem circa altaria altissimi regis. Non hæc paganorum fecit for-

titudo, sed populi Christiani promeruerunt peccata. Inuenit verò famulus Christi ant-

iquæ ruinas ecclesiæ, inter murorumque fragmenta veprium crescere densitates: vbi

quondam psallentium chori, ibi lustra & latibula ferarum visa sunt, stercoribus & im-

munditijs omnia plena, ita vt vix vestigium aliquod remansisset murorum. Hæc cer-

nens, intimo cordis dolore ingemuit, dicens: O Domine, hæc omnia venerunt super

nos, quia peccauimus cum patribus nostris, iniuste egimus, iniquitatem fecimus. Sed

tu Domine memor esto misericordia tuæ, & nostris parce peccatis, & nè obliuiscaris paue-

pauperum tuorum in finem. Dum hæc itaque lachrymosis murmuraret querelis, eccè subito ex ruinosis speluncis vrsus profiliuit. Cur vir Dei cum indignatione præcepit, ut in deserta secederet loca, & sibi commoda inter condensa syluarum quæreret habita-cula, nec ultra illius fluminis ripas transiret. Qui mox tali territus minatione, fugit, nec vñquam postea illis visus est in partibus. O mira omnipotentis Dei in sanctis suis po-tentia, quibus bestiæ ferocissimæ obdiren sciunt. O miserabilis hominū audacia, qui sa-lutiferæ prædicationis verba, à sanctis prolata doctribus, contemnere non metuunt. Irrationalis bestia, in obtemperando sanctorum præceptis, quodammodo ratione virtutis humana: homo vero ad imaginem Dei conditus, ratione præditus, honorem suum nō intelligens, comparatus est iumentis insipientibus, & similis factus est illis.

Sancti bes-tias sentiunt obse-quentes, ho-mines con-tempores.
Psalm. 48.

Dum vero comperisset vir Dei ecclesias Christi desertas, cor populi idolatriæ er-oribus infectum, ignorantia tenebris obcæcatum, gemino se pietatis subdidit labore. Populum sedula intentione ad agnitionem veri luminis perduxit, ecclesias ad culmen summi honoris erexit, presbyteros & diaconos sibi in adiutorium per diuersa ecclesia-rum disposuit loca, & vbi prius speluncæ fuerunt latronum, ibi orationum domos con-struxit: magisque diuinis intendit eas ornare laudibus, quām pompticis seculi diui-tijs cōmere. Fuit vero pauperibus largus, diuitibus affabilis, quatenus omnes vel lar-gitate munerum, vel iucunditate verborum in viam deducere veritatis. Sciens itaq; nullatenus superba secularis potentia colla ad Christianæ religionis humilitatem in-clinari posse, nisi per suauissimas pietatis admonitiones, Apostolico instructus exem-^{1. Cor. 9.} pleo, omnibus omnia factus, vt omnes lucifaceret, seniores honoribus præuenies, junio-res paterna dilectione admonens, vbiq; per officia charitatis non sua quærens, sed quæ Dei sunt, Christi sequuntus vestigia, potentiu; conuiua non contempnit, non luxu-riæ causa, sed prædicationis obtentu, vt familiaritate concordia, facilius verbum Dei conuiuantium infunderet cordibus. Igitur quidam nobilis Francus, potentia clarus, Ocinus nomine, regem Clotarium, prædicti regis Clodouei filium, qui tunc temporis regni nobiliter rexerat sceptræ, vocauit ad prandium, quod magno apparatu in domo sua regi & suis parauerat optimatibus. Rogatus quoquè est sanctus ad conuiuum Vedaftus. Qui domum intrans, more sibi solito, dextera extenta, omnia sanctæ cru-cis vexillo signauit. Quædam vero vacula ibi ceruissa adstabant plena, sed male gen-tili errore dæmoniacis incantationibus infecta. Quæ mox ob potentiam sanctæ crucis destruxit crepuerunt, & quicquid liquoris habuerunt, in terram effuderunt. Territus vero rex & optimates illius, huius visione miraculi, sciscitabatur Pontificem causam repentinae prodigiij. Cui sanctus respondit episcopus: Per quasdam maleficorum in-cantationes, ad decipiendas conuiuarum animas, diabolica in his latuit liquoribus potentia: sed virtute crucis Christi territa, sic inuisibiliter de domo effugit ista, sicut visibiliter consideratis liquorum effundi in terram. Hæc vero res multis proficiebat in salutem. Nam plurimi, occultis diabolicæ fraudis catenis absoluti, auguriorum vani-tate spreta, incantationum consuetudine relicta, ad veræ religionis conuolauerunt puritatem, intelligentes diuinæ potentia efficaciam in suo famulo facere signa, nihilq; contra eius sanctitatem antiqui serpentis valere machinamenta. Et quod ille ad per-ditionem parauerat aliquorum, hoc Christi gratia ad redemptionem conuertit pluri-morum.

Rexit igitur præfatus Dei sacerdos ecclesiam Christi, diuina auxiliante gratia, an-nis circiter quadraginta, sub magna euangelicæ prædicationis deuotione, sub magno pietatis amore, ac per id temporis multitudinem populi catholico dogmate ad Christianæ fidei conuerit sanctitatem. Clavuit vbiq; diuinæ cognitio legis, sanctissimum Christi nomen cunctorum audiebatur in ore, floruit in moribus castissimæ vitæ hone-stas, ardebat in pectoribus singulorum cœlestis patriæ amor, populus statutis diebus ad ecclesiam concurrebat, festa cum magno gaudio nostri Salvatoris opportunis ce-lebrabantur diebus, eleemosynæ circa domos vberimè pauperibus disperbiebantur, verbum Dei quotidie per loca singula populis prædicabatur, hymnidicas laudes Deo horis canonice chorus cantabat in ecclesijs. Beatum dixerunt populum, cui hæc sunt: beatus populus, cuius Dominus Deus eius. Omnes enim in pulchritudine pacis qui-scebant, in agnitione veritatis gaudebant, in sanctitate Christianæ religionis lætaban-tur.

Nota vim crucis, ma-nu S. Veda-fti expresse.

Fructus ve-ræ prædicati-onis Eu-angelicæ.

Horæ cano-nice.
Psal. 143.

Postquam verò pius prædicator & sanctus Dei sacerdos, meritis maturus & annis, præmia sui laboris accipere debuit, Deo dispensante, in eadē Atrebata ciuitate valida infirmitatis febre correptus est, diuina præudente misericordia, vt vbi plurimū in Dei sudauit seruitio, indē ad palmam aeternæ beatitudinis perueniret, & inter charissimorum manus filiorum animam suo redderet creatori. Vt verò sui famuli obitum

Visio colu-
mnæ luci-
dæ.

Deus designaret, visa est nocte quadam clarissimæ columnæ lucis, à culmine domus, in qua sanctus iacebat sacerdos, usque ad summum cæli, horarum fermè spatio duarum, stare fastigium. Quod cùm viro Dei diceretur, intellexit statim, hoc signum suum demonstrare obitum. Vocavit igitur suos ad se filios, vt eorum precibus suam fideli con-

Accipit Eu-
ditori commendaret animam. Et post dulces paternæ pietatis admonitiones & extre-
charitiam, ma charitatis verba, sacro sancto corporis & sanguinis Christi confirmatus viatico, in-
& excedit ē ter manus lachrymantium spiritum emisit. O dies sancto lætissima sacerdoti, sed cun-
datus,

to mœstissima populo, quem tantus subito corporali vita deseruit pastor, quem tamen spirituali nunquam deserit intercessione, si sacra illius admonitionis verba & probatissimæ vitæ vestigia sequi non desistat. Conuenerunt itaque ad ultimas venerandi viri

exequias clerus & populus copiosus, aliarumque ecclesiarum sacerdotes, presbyteri & diaconi. Sed mirum; inter lachrymantium voces in terra, psallentium (vt fertur) à qui-

Feretrum
eius moueri
non potest. Quid vero agerent, ambigebant: quod se verterent, nesciebant. Sciscitabantur à Scopilio archipresbytero, viro equidem religioso, qui secretarius fuerat sermonum sancti Dei, si aliquid de sua eum testari sepultura memoraret: timentes, nè forte illis hoc ideo accidisset, quia intra murum eiusdem ciuitatis illum sepelire disponebant. Quibus ille respondit, sapienter dicentem, quod nullus intra muros ciuitatis sepeli-ri debuisset: quia omnis ciuitas locus debet esse viuorum, non mortuorum. Volebant liquidem illum in ecclesia beatæ semper virginis Mariæ, vbi sedi pontificali præfederat, tumulari. Ipse verò sepulturæ suæ locum in oratorio, quod paupere sumptu, id est, lignis tabulis prope litus Crichtonis fluvioli ædificauerat, fieri disponuisse cognoscitur. Quod licet ipse pro humilitate, qua semper vsus est, fieri voluisset, omnes tamen, qui aderant, attendentes meritorum eius insignia, indignum ducebant tanti viri corpus in loco humili debere sepeliri: præsertim cùm nec locus ipse habilis esset tanto monumen-
to, nec palude obsitus, foret accessibilis populo.

Dum talia inter se quererentur, venerabilis vir Scopilio, doctus virtute precum, ad solita sibi credita arma currendum, vt videlicet oratio fidei obtineret, quod multa hominum manus viribus nequivisset. Vnde cunctos hortans ad precem, ipse prior illachrymans, super corpus sacratissimum incumbens orationi, in hanc vocem, mœrore cordis affectus, erupit: Heu mihi, inquit, ô beatissime pater, quid vis ut faciam, quoni-
am & dies in vesperum declinat, & omnes, qui ad tuas exequias conuenerunt, ad propria iam remeare festinant? Permitte, obsecro, te perfieri ad locum, qui tibi filiorum cura præparatus existit. Et his dictis, accipientes capulum, in quo sancti viri corpus iacebat exanime, nullum onus sentientes, portauerunt cum subiectis humeris cum

Honorifice
conditum
sacrum cor.
pus.

alacritate animi ad sepulturæ locum. Sepeliérentque eum in ecclesia iam dictæ beatæ Dei genitricis semper virginis Mariæ, in dextera parte altaris, vbi quondam pontifica-
lis cathedra fungebatur officio, nobilem terræ abscondentes thesaurum. In quo loco per aliquod iacuit tēpus, quoquā Domino reuelante, ad locum, vbi nunc fulget eius memoria, est à viris sanctis Autberto & Audomaro episcopis felicem mutatione traxitus.

Nunc autem, quid in codem episcopio post eius excessum vi sum est dignum memo-
riæ, referatur. Superueniente igitur tempore, domuncula, in qua Deo dilectus diem obiit, flammis arrepta, ardere coepit. Sed vidente quadam religiosa foemina, Abita no-
mine, sanctus adueniens Vedastus, flamas à domo discusit, & ita incolumis remansit cum lectorulo, in quo vir Domini sanctam ad cælestia regna animam emisit: vt omnes agnoscerent, quanta illius esset beatitudo in cælis, cuius lectoruli domicilium in terris ardere non potuit.

Iacuit autem in loco eodem usque ad tempus beati Autberti, qui septimus ei in sede pontificali successit episcopus. Is autem, vt Maiorum relatione cognouimus, & vt in innumerabilem hominum ore versatur, & quod oculis etiam factum probamus, dum

DE S. AMANDO EPISCOPO.

907

dum quadam die post hymnos matutinos in humanis consistens, rubente aurora, Ori- Visio S.
 entem versus intenderet, vidit eminus trans fluuiolum, qui Crientio vocatur, virum Autberti
 prefulgidum virgam manu tenentem, basilicæ locum metiri. Quod ille cernens, reue- Episcopi
 lante Deo, visionem cognovit angelicam: ostensemq; est illi, beatum illuc Vedastum, Atrebaten.
 annuente Christo, sine dubio transferendum. Qua reuelatione certior factus, inuita- S. Audomar.
 uit ad tatum opus beatum Audomarum, qui ea tempestate Taruennæ Morinorum vr- rus episco-
 bis episcopus, in Dei rebus magnificus habebatur. Qui licet iam senio pressus, & amis- pus.
 sione luminum videretur debilior factus, animum tamen ut arcum habes spiritali stu-
 dio intentum, illicò promptus, Christo gressus tegente, festinus ad venerabilem perue-
 nit Autbertū. At ille quid animo gereret, & quid sibi diuinitùs esset ostensem, referens,
 pari voto communiq; consilio cum magno populorum gaudio, qui vndique conflu-
 xerant, ad locum designatum beatissimum transtulerunt Vedastum. In qua translatio- Trāsferunt
 ne perhibetur beatus Audomarus lumen recepisse oculorū, sed illicò precibus eandem, corpus S.
 quam vtroneus ferebat, reimpertrâsse cœcitatem. Paruipendebat quippe lumen carnali- Vedasti.
 um oculorum, qui lumen meruit ciuium supernorum.

Porrò autem miracula, quæ & tunc gesta perhibentur, & quæ iam per annos fermè
 centum sexaginta per merita beati Vedasti patrata sunt, nullo sunt stylo memorie tra-
 dita, excepto, quod vocibus cantorum huiusmodi canitur antiphona: Hic est beatus
 Vedastus, cui templum fieri ab angelis iussum est hominibus. Est autem locus ipse non
 longè ab eadēm vrbe, qui pro nobilitate suī Nobiliacus primò est appellatus: sed proce-
 dente tempore tam insignis effēctus, vt vrbis nomine, quæ iam ruinis crebrioribus pe-
 nè oboluērat, vocitetur. Est nanque & largitione fidelium sublimatus, & agmine mo-
 nachorum & aliorum Deo deuotorum grege refertus: vbi incessanter quotidiè diuina
 celebrantur præconia, & frequenter cœlestia facta sunt & sunt miraculorum signa, quæ
 iam magis cernentium ore narrantur, quād diuantis stylo scribantur. Felix equideni
 Atrebatum ciuitas, tam excellenti munira patrono: & si murorum ruinis vilescat, illius
 tamen meritorum nobilitate clarescit. Totusq; pro eius sanctitatis intercessione gau-
 deat populus, omnipotentiq; Deo æternas referat laudes, qui tam clarū illi perdonauit
 doctorem, cuius predicationem viam agnouit veritatis. Cuius precibus, si in fidei firmata-
 te & vita sanctitate consistit, ab omni aduersitate secura permanebit, & usque ad perfe-
 ctiam beatitudinis gloriam perueniet, præstante Domino nostro Iesu Christo, qui cum
 patre & spiritu sancto viuit & regnat Deus per omnia secula seculorum, Amen.

VITA S. AMANDI EPISCOPI TRAIECTENSIS

ET CONFESSORIS SCRIPTA, A BAVDEM VND O,

vt habent codices ad S. Amandum: fortassis autem meliori stylo redditā

à Milone monacho S. Amandi, qui huic historiae

alium librum subiunxit.

Claruit is
Milo anno
Christi 870.

P R O L O G V S.

Cripturus vitam beati Amandi, habitatorem eius in uoco spiritum
 sanctum: vt qui ei virtutes largiri dignatus est, mihi etiam eas sermo-
 nem tribuat narrandi: quatenus & charitati vestrae debitum seruitu-
 ris impendam officium, & nè is lateat, qui omnibus modis est imitan-
 dus. Licet enim tantæ rei sim impar ingenio, atq; nugacitatis vel de-
 sidiae pondere opprimar: ad illum tamen spem erigo, qui dixit: Aperi Psalm. 80,
 os tuum, & ego adimplebo illud: Maximeque vestris fretus suffragijs,
 vt quod meritis meis obtinere non valeo, orante pro me beatitudine veltra, opus tam
 arduum atque difficile, à meque haetenus indiscutsum, superna opitulante gratia pos-
 sim aggredi. Prius enim scire vos cupio, me ad omnes virtutes, quas per eum Dominus
 operari dignatus est, attingere minime posse. Et quanvis ad omnia illius peruenire ne-
 queam, tamen prout Dominus vires infuderit, pauca è pluribus cursim succineteque,
 & vt ita dicam, breuiter aggredi conabor. Indignum est enim, vt de tanto viro silere
 quis audeat, dum pius rerum arbiter talēm in Ecclesiastica cultura campo cultorem
 instituit, per quem, agrum ipsius intenta operatione fidei rastro colentem, ad cente-
 ni numeri redditum Christi seges excresceret. Satis enim sunt sollicita circa humanum

Ggg 4

genus